

ИНЬ ЦЕБЯРЬ КОМСОМОЛЕЦНЕНЬ—ПАРТИЯВ!

Большевизмъ основоположни-
конза, минь партинькень вожденза
и организаторонза Ленин и Сталин
аф весть корхнекшность пролетар-
ский революционный движениать
тевенцы одломаньтненъ пяк оцю
значениясно колга.

Эрявихть одвийхть,—сьормадсь
Ленин 1905-це кизоня. — Мон ба
марьгелень (советовал) пряма ля-
цендемс востозост сятненъ, кие
позволяет эстеенза корхнемс, што
аш ломаньт. Россияса ломаньде
пфетеме, эряви аныцек келиняста
и смелайняста, смелайняста и ке-
линяста, нингя весть келиняста и
нингя весть смелайняста вербован-
дамс одломаньтненъ, аф пелемс
синь эздост. Времась военный.
Одломаньтне решандасазь сембе
тюремать исходонди, и студенчес-
кийсь и нингя сядонга пяк рабо-
чай одломаньтне. Йордасть непод-
вижностень, чинопочитаниянь и лия
сембе сире привычаньтень. Пу-
ропнеда одломаньтненъ эзда впе-
редовецень сядот кружокт и
поощрайте синь работама во-всю.
Келепесть комитетть колмонь
крда одломаньтненъ примамаса..

Минь времастонк социализмань
странать передовой одломаньтне
пуропневихть ленинский комсо-
мольт рядонзонды. Сяс и больше-
вистский партияс одломаньтненъ
привлекает эсь рядонзонды васен-
дакигя комсомольт йоткста. Ста-
лин ялгась аф весть корхнесь, што
„Одломаньт коммунистический
союзс—резерв, резерв крестьян-
тненъ и рабочаихненъ эзда, коста
партиясь сывеньди пополнения“.

Улемс (ольшевиконь) Всесоюз-
най коммунистический партиять
рядонзон эса—комсомолецт инь
оцю честь!

Ломаньда, конат достойнайхть
тя честти, аф кржа комсомолса.
Колмошка кожда тядя инголе пар-
тиянь Центральной Комитетсь
лиць специальнай решения
ВКП(б)-нь рядгненди комсомолец-
ненъ вовлечениясно колга. Довери-
яс, конань ВКП(б)-нь Центральной
Комитетсь оказал одломаньтненди,
кепедезень мялснон синь инь це-
бярь представительснон. Меколь-
день кафта—колма кофненъ парти-
яв рекомендовандаф и примаф ла-
мода сяда лама комсомолецт, чем
йотаф пале кизоста. Нят—больше-
вистский выучкань од ломаньт, ко-
нат сембе вийса вятихть тюрема
народонь врагтненъ к а р ш е с,
с е м б е душаса, сембе чув-
стваса преданнайхть Сталинский
ВКП(б)-нь Центральной Комитет
ти, тевса няфтезь эсь анок шис-
нон максомс рабочей классть те-
венцы, пролетарский революция
и мировой коммунизмъ тебенцы
сембе эсь вийснон, сембе эсь спо-
собностьснон и, кда эряксты,
сембе эсь верснон капляс модемс.
Варжакстода комсомолец-погранич-
ник Павел Дудинть ланге, конань
ашезе нолда кидьстонза винтовкаты,
конац ашезе кад огневой линиять
ильня раненияда меле, пока наг-
лай врагсь ашель паньф рубежть ом-
ба шири. Варжакстода комсомолец-
пограничникъ Захар Волошкотъ
лангс, конац эсь ялгань марта кирь-
нестъ целай японский отрядть
натисконди, пока подоспевшай як-

стерь боецне ашезь пань прочь
советский землять лангста грани-
цаць наглай нарушительхненъ.
Именно тя тревожной часттненъ
пингста отважной пограничникненъ
кепедсь мялсна сувамс партиав.
Ивов синь-ни ВКП(б)-нь кандидатт.

Улень ба аф правильна удовлет-
вориться комсомолецненъ лувкс-
снон касомаса, конат примаф ме-
кельденъ пилгть партиав. Конк-
ретнай задачатне, конат путфт
комсомольт ингеле ВКП(б) нь
Центральной Комитетть постанов-
лениянь коряс, пашкедькшневихть
афиолдавомшка савор. Тя азондо-
ви васендакигя сянъ марта, што
руководящай комсомольский ра-
ботникне аф лувонд азь пяк эря-
виксонди инь цебярь комсомо-
лецненъ партиав сувафтомаснон
инкса задачатъ.

Сядонга пяк, аш забота вльня
сянь колга, штоба правильна ор-
ганизовандамс рекомендацянъ мак-
сомать комсомолецненди, конат
ненъ мялсна сувамс партиав. Ре-
дакциясь коль получаи лама сьор-
мат, конаса авторхне-комсомолец-
не жаловандайхть рекомендацянъ
максомать колга заявлениатненди
комсомолонь лама райкомтненъ
бюрокротический бездушный и обы-
вательский трусливый отношения-
снон лангс. Кафта комсомолецт-
железнодорожникъ Сергей Лев-
шенковсь и Борис Шкундинсь
справедлива возмущенайхть сянъ
марта, што комсомолонь брянский
райкомс (Западной области) вов-
ни 10-ковт успехфтома срхкс ваномс
синь энялькснон рекоменда-
цянъ максомать колга. Кемень ковт!

Волокитась, комсомолецненъ за-
явленияснон лангс ответонь тарг-
семась иф мезе лия, кода кой-ко-
на комсомольский работникненъ
ди обывательский самостраховка.
Конечно, тя а аш мезге похожай
подлиннай большевистский бди-
тельности.

Сьормать авторонза справедли-
вайста кортайхть, што „эльбяде-
мать колга“ тя пелемати лезды
низовой активть эзда комсомол-
ский руководителхненъ яво-
масна. Партиять рядонзонды при-
влекать, рекомендовандамс можна
аныцек сянъ, конань цебярьста со-
дасак, конань колга кеместа уве-
ренайт, кинди политически дове-
ряешь. Массатненъ марта, низовой
активть марта руководителхненъ
эрьшинь соткснон апак кемекстак
аш кода и привлекать партиав
комсомолецт.

Характерна, што райкомтненъ
партияв сувамать инкса рекомен-
довандави ломанень кругсна пяк
тияня. Тя обычна комсомольский
платнай работвикт, районнай цент-
рань учреждениянь служащайхт,
комитетонь башка секретарьхт.
Можна азомс кемень райкомт,
конат ашестъ макс рекомендацянъ
станок ваксса работай фкавок ра-
бочаенди, фкавок од колхозник-
активистонди.

Эсьотямсь тяфтама пяк важнай
политический тевса, кода парти-
янь рядгненди комсомолецненъ
вовлечениясна, может вьтемс
инь пагубнай последствиятненди.
Партияв од членонь примамать
одс ушептомок, ВКП(б)-нь ЦК-сь

тиендсь предупреждения сянъ кол-
га, што враждебнай элементне ся-
да товга кармайтхть тяряфнема
яцемс ВКП(б)-нь рядгненди. Тянь
колга юкснемс могут аныцек поли-
тический ротозейхне. Архангельск
ошса комсомолонь Соломбальский
райкомс макссь рекомендацянъ
судоремонтнай заводста кафта ак-
тивистонди. И вов несколько ши-
да меле синь эздост фкясь ульсь
лангу лифтьф кода народонь враг,
а омбоцесь комсомолста паньф
социальной происхождениянь кя-
шешеманкса. Кстати азомс, мекель-
цесь ульсь комсомолонь распуще-
нный комитетса членкс. Ся реко-
мандациясь, конац максфоль теен-
за, ашесъ буквально издевательски:
„Комсомолецъ активнай, но улихть
зазнайствань и невыдержаннос-
тень элементонза“. Документть
лангса—райкомонь секретарть По-
дойницинть подписец.

Соломбальский райкомонь руко-
водителхненъ семейно-приятельс-
кий „добротасна“, конат максестъ
рекомендацянъ маластонь друзья-
нонды, по меньшей мере подозри-
тельной. Сон мог ба эспингстон-
за заинтересовать архангельский
горкомть, кда ба сон шарькоделе-
зе честнай, политически проверяф
комсомолецненъ партиав вовлече-
нияснон инкса эсь политический от-
ветственностенъ. Тяфтама преступ-
най безответственности эряви
путомс пе, а муворхненъ пример-
найста наказамс. Комсомолса рабо-
тай эрь коммунистть священной
обязанностец, эрь комсомолецт
священной обязанностец—ванф-
томс большевистский партиять ря-
донзон враждебнай и разложив-
шай элементненъ, обывательхненъ и
шкурникненъ, карьеристгненъ и
авантюристтненъ ицемаснон эзда.

Рекомендацянъ максомста эря-
вихть фкакс ванондомс комсомо-
лецт сембе качестванзон, аф юк-
снемс ознакомить сонь мораль-
но-бытовой обликонь марта, со-
дамс, пчкий ли сон, пьянкатненъ

каршес решительнай тюреманыя
тема, сатомшка ли сон кеме сянъ
инкса, штоба противостоятъ чуж-
дай, разлагающай влиянияти.

Комсомольт руководящай зве-
наванза народонь врагтненъ аф ку-
вардонь разоблачениясна комсо-
молецненди лифтьс пламенная не-
годованиянь чувства родинань пре-
дательхненъ, японо-немецкий фа-
шизманы подлай пинетненъ кар-
шес. Комсомольский массатне ме-
кельденъ пингть лифнихть необы-
чайнай политической подьем, же-
лания мезс ба сон афоль стя сяда
куроконя ароптомс минь союзомь-
кень рядонзон и сонь руководя-
щай органонзон эзда троцкистско-
оухаринский и буржуазно-нацио-
налистический агитуратъ. Врагт-
ненъ и синь пособникснон каршес
тюремаса воспитандакшневихть и ка-
лендакшневихть комсомольский ак-
тивонь од, молодой кадратне, ко-
нат преданнайхть большевистский
партияти и сонь сталинский Цент-
ральной Комитетонцы. Именно
тяфтама политически проверяф
комсомолецт эрявихть привлекать
партиять рядонзонды.

Комсомолецт лицац подлиннай
проверяма, а аф анкетнай даннай-
хне и скороспелай кружокса уле-
мась, долженъ определять сятненъ,
конань райкомс рекомендовандасы
партияв сувамаги. Партиясь дове-
ряет минь рекомендацянъкенди,
сядонга чуткайста и внимательнай-
ста нежедькши ся ломаньтненди,
конат эсь политический эряфснон
ушептозь комсомольский органи-
зацияса. Кивок не смеет злоупот-
реблять тя высокой довериять мар-
та. Комсомолса улихть тьожаньт
ломаньт, конат достойнайхть честь
марта канвемс ВКП(б)-нь членонь
почетнай званиять. Синь и эря-
вихть вовлекать большевиконь сем-
бесоюзонь коммунистический пар-
тиять рядонзонды.
(„Комсомольский правдаты“ пе-
редовоец, сентябрь 20-це шистон-
за).

Комсомолкась—цебярь преподавательница

Киреева Дусясь 1935 ки-
зоня аделазе Саранский
педучилищаты. Тонафнесъ
сон аныцек отличнайста
и цебярьста.

1936 кизоня Рузаевкань
РОНО-сь Дусянь кучезе ра-
ботама учительницакс. 1-я
кажса кизоня сон сувасть Ле-
нинский комсомолу.

Тяни Дусясь работай
Перхляй велень НСШ-са.
Комсомолкати — од учи-
тельницати доверили 42
ученикт (3 классть) и тя

довериять сон пашкотыкш-
несы честнайста.

Преподает сон пяк це-
бярьста, аф дисциплиниро-
ванной ученикне, кода кин-
заковсь и лиятне арасть
цебярь ученикокс.

Дусясь эсь чуткай и це-
бярь отношениянь мархта
сатсь оцю сатфкт. 3-це
класста (42 ученикста), 4-це
классу йотастъ 38 ученикт.

Комсомолка.

Рузаевкань р-н.

„Валда ян“ колхозсь аделазе сьоронь скирдовандамать

Ежка велень „Валда ян“
колхозсь сентябрь 15-це
шинцы самс аделазе сьо-
ронь скирдованиять.
Колхозникне корхтайхть.

што инь куроконь пингть
аделамс сьоронь тьялмать
и аф кадомс фкавок кол-
хознай зерна паксяв.

Ковылкинаны р-н.

Л. М.

Тонафнесазь Сталинский Конституциять

Сире-Теризморга велеса лама пингя апезь мольфев кодамовок культурно-массовой работа, аныцек мекельден пингть велень активсь кярмоц тя тевти и ладезя колхозникнень йоткса массовой работать.

Тяни колхозникнень и еди-ноличникнень йоткса йотафневихть занятия, коса тонафневихть СССР-нь Конституциясь и МАССР-нь Конституциясь. Нят величайшай документнень колхозникне и семье гражданти тонафнесазь пяк оцю мяльса. Г. Девин. Шайговань р-н.

Колхозной правлениясь аф пяшкотышне- сыня колхозникнень требованиясн

Торбеевань район. „КИМ“ колхозса колхозникне цебарь мяльса лисенькшнихть работама. Синь цебарьста содасазь, што тяддень Сталинский урожайть эзда синь получайхть аф 10 килограмма кража кши эрь трудоштити.

Колхозникнень оцю ульсь мяльсна, штоба сьоронь урядамать аделамс илядык колхознень коряс инголи и тянь колга синь ламоксть пред'являли требования правления, штоба улельхть сембе условияне, конатнень мархта можнальба работаме стахановский методса.

Колхозникне вешть цебарь крадас, рыдватт и вообще веленьхозяйственной инвентарь, штоба тягловай силать использовандаме полнайста. Но колхозонь правлениясь тячиень шить самс йофсикс аф шарфни. Озимонь видеамс нинге апак аделак. Челмакин.

Правлениясь распустил сембе колхозной хозяйствать. Повозкатня йоряфт коза повсь и кивок мяль синь ширезост аф шарфни. Озимонь видеамс нинге апак аделак. Челмакин.

Ерофеевсь комсомолу примаф случайна

Перхляй велень первичнай комсомольский организациясь аф сериэнайста подходит од ломатьтнень комсомолу примамаснонды.

Тяфта комсомолу кандидатокс ульсь примаф Ерофеев Филипп Федоровичсь, конац 1935 кизоня Саранск ошса сувсесь комсомолу, но сон юмафтозе комсомольский билетонц, а тяни сувась омбоцеда комсомолу.

Надытама, што Рузаевкань райкомсь полафтсь первичнай организациять путфконц Ерофеевть комсомолу примаманц колга.

Комсомолец.

Рузаевкань р-н.

Ответ допризывникненьди, колхозникненьди и школьникненьди

Пяк лама сьорматкшнихть сьормада допризывникне, колхозникне, социалистический фабрикатнень и заводтнень эзда и школатнень эзда тонафникне Дальне-Восточнай якстерьармеецненьди.

Почти каждаясь эсь сьорма-сонза кизефнесы, а мезе эсь эздонза представляет Дальнай Востоксь?

Нюрхкянэста отвечан кизефксненьди.

Сембеньди содаф, што революцияда инголе Сибирьсь и Дальнай Востоксь лувондовсь самай позорнай востокс. Дальнай Востоку и Сибири царский правительствась высылал революционерхнень каторжной работас.

Царский правительствась аф фкя сядот цебарьдонга—цебарь ломань наксафтсь каторгаса Дальнай Востока.

Аф стак Дальнай Востоксь лувондовсь каторгань и смертень крайкс.

А вдь Дальнай Востоксь пяк и пяк козя край. Тяс пяк шачи кшись, Дальнай Востока ули золота, ули каменной уголь, нефть, железная руда, цебарь вирь, пяк и пяк лама калда. Но нят сембе богатстватнень царский правительствась апезень использовандакшне.

Советский властьсь Дальнай Востокть тиезе одукс. Тяни Дальнай Востоксь арась аф содавикс крайкс.

Сталинский кафта пятилеткатнень пингста Дальнай Востоку строяфт гигантский предприятия, од ошт, пуропфт оцю совхост и колхост, конатнень паксясн лангса работайхть комбайнат, тракторхт и лия сложнай машинат.

Тоса, коса инголи ульсь бо-лота и тайга, кона васттнень ди кржаксть повондоть ломатьт, тяни нят васттненьди строяфт од пяк и пяк оцю и цебарь ошт. Тяфта строяф Амурть беряконц трвас Комсомольск ошсь. Тя юностень ошт строязь Советский Союзонь комсомолецне и комсомолкатне. Ленинский комсомолсь строязе тя прекраснай ошт тяфтама вастс, коса 10 кизода инголе якасть аныцек дикий зверьхть. Тяфтама васте строяф Биробиджан ошсь-Еврейский областть Центральнай ошец.

Модась Дальнай Востока пяк и пяк плодороднай. Тяс аф урожай кизот аф эрайхть. Пяк касы модамарьсь, кукурузась, тозерсь, шинжармась, пинемсь, розсь и лия культуратне.

Тяс лама вирьда. Вирьхнень потмоса лама дичь. Ули-

хть ошт, лама вирьгазда, келазьда, шумбазда, дикий казда и шуроста няеньдевихть тиграт.

Климац тяс тяфтама. Кизонда улельчни пяк лама пизе-да. Июньста и Июльста пяк пси +30°, +40°.

Тяфта жа и тлонданга. Моросне эрьсхть ушedomок 15° и 30° модемс.

Шись тяс Москувонь времать коряс моли сисемь частта инголя. Мзярда Москва 12 частт ве, то тяс 7 частт шовдава.

Кода няеви Дальнай Востоксь пяк и пяк козя край. Тяс улихть всякай боготстват, мольфтеви оцю строительства.

Кда царский правительствась высылал тя крайти каторгав революционерхнень, то тяни минь Социалистический родинахнень гражданоноза пяк оцю мяльса сашондыхть синьць Дальнай Востоку работама и эряма.

Нят кизотнень Дальнай Востоку сась лама тьожатьт учительхть и врач инженерхт, артистт.

Колхозникне тяс эрайхть пяк и пяк цебарьста, зажиточнайста. Советский правительствась, коммунистический партиясь и минь кельгома вожденьке Сталин ялгась шарфнихть пяк оцю мяль Дальнай Востоку. Тяс колхозникне освобожденнайхть хлебопоставкатнень эзда. Колхозникненьди максфт пяк оцю льготат. Тяс колхозникнень пяк лама жува-тасна, лама кшисна, эрайхть зажиточнайста.

Пяк и пяк лама колхозникт сашендыхть Дальнай Востоку. Дальнай Востоку сашендыхненьди максевихть оцю льготат. Синь питьефтома усксевихть синьць и необходимай вещасна, скатинасна. А ся колхозсь, коза сай эряма ся али тона семьясь, обеспечендакшнесы сайт кудса, сьороса, траке рамамс и постройкань строяме максевихть ярмакт.

Японский хищникне пяк кунара ни порьсась пейснот панчфокс-панжи Дальнай Востокть лангс. Японский фашизмась йорасы сявомс Дальнай Востокть эстиенза.

Но сембе мирсь содасы, што Дальнай Востокть ванонцы грозной и непобедимай Особай Краснознаменной Дальне Восточнай Армиейсь.

Катк содасазь колхозникне, рабочайхне и сембе од ломатьтне, што Дальнай Востокть границанза пякстафт кеме замоска.

Якстерьармеецсь Андрей Захарович Егоровсь.

Миряшкинць цебарь стахановец

М-Маскани велень „Нацмен“ колхозса трехконнай молотилкаса ушедсть пинемень тьяма. Тьямста подавальщикокс работайхть П. Миряшкинць и Ф. Дьяковась. Синь нормаснон пшкоськшнесазь ламода вельф. Нормас коря тьямс эряви 30 центнерхт, а синь тьялсхть 45 центнерхт.

П. Миряшкинць ялгась колхозса лувондови цебарь стахановецекс. Сьоронь тьямста Миряшкинць ялгась эрь шиня работай 2 и 2,5 трудошит.

М.

Сире-Синдровань р-н.

М.-Полянка велеса „Красная Поляна“ колхозса розень тьямаснон аделазь и уставасть линемень и суронь тьяма.

Тьямась моли ударнайста и весяласта.

Колхозник.

Ельниковань р-н.

Омбоце республиканский колхозной спартакиадати анокламась мольсь кальдывста

Сентябрь ковть 22 шистонза ушедсь омбоце республиканский колхозной спартакиада, коса участвовандай минь республиканских колхозной лама одломатьт.

Штоба йотафтомс спартакиадать успешнайста и интереснайста МАССР нь и районнай физкультурань комитеттненьди эрьволь ба вятемс систематический аноклама участникнень йоткса. Но аноклама работась мольфевсь формальнойста.

МАССР-нь физкультурань комитетсь кодамовок лезкс районнай комитеттненьди аф максси, тянь сюнеда лама район ашеть куч спартакиадав фкявок участник. Кепетьксоньди сяфтяма Инсарань и Ичалкань райоттнень, конат ашеть анокла фкявок участник и нльня тя пингть самс нят райотнень эса физкультурань комитеттнень аш секретарьсна.

МАССР-нь физкультурань комитетсь оперативна аф лезды районнай комитеттненьди, конань сюнеда кой-кона районца физкультурнай работась каладсь.

Физкультурник.

Трудонь учетсь тапаряф

„17 лет Октября“ колхозть 3-це № бригадаса бригадирсь Г. А. Тугасовсь пяк халатнайста относится эсь тевонцы. Сонь бригадасонза трудонь учетсь тапаряф.

Августь 15-це шистонза сявомок и сентябрьть 12-це шинь самс сон ашеть макс правления кодамовок наряд, колхозникнень работаснон колга, конань сюнеда юмсихть колхозникнень трудошисна.

Егофин.

Шайговань р-н.
Сире-Теризморга веле.

Од избирательти СССР нь Верховнай Совету выборхнень колга

Союзонь Совету и Национальностень Совету выборхне

Минь Конституциянькень коряс, странать высшай орган — СССР-нь Верховнай Советъ кармай ащемя кафта палатаста: Союзонь Советста и Национальностень Советста.

Союзонь Советъ кочксеве СССР-нь граждаттнень мархта тяфта, што каждой 300 тьожань эрайхне кучсхт фкя депутат.

Национальностень советъ кочксеве СССР-нь граждаттнень мархта союзнай и автономнай республикатнень эзга, автономнай областтнень и национальной округнень эзга. Кажнай союзнай республикась, независима соньценъ населенийнц лувксонц лангс, кучи Национальностень Совету 25 депутатт, кажнай автономнай республикась — 11 депутатт, кажнай автономнай областсь — 5 депутатт, кажнай национальной округсь — 1 депутат.

Верховнай Советъ кафцкя палатазса сембе отношенияс равноправнайхть. Капиталистический государстватнень эзда отличиянди миньцонк аш аф алудонь, аф вярденъ палатат. Кафцкя палататнень фкя срокъ полномочиясна, лиякс марьгеме, кочксивихть 4 кизонь срокс. Кафцкя палататнень членонъ лувксна равнай Кафцкя палататнень сессиясна ушеткшихть и аделакшневихть фкя пингста. Всякай законъ лувондови действительнайкс аныцек ся случайста, кда сонъ примазъ кафцкя палататне.

Мес установленнай тяфтама двухпалатнай строение СССР-нь Верховнай Совету?

Сталин ялгась отвечаь тя кизефксты тяфтания:

„СССР-сь, кода содаф, ламанациональный государства. Миньценок ули верховнай орган, ко-са представленнайхть СССР-нь сембе трудяйхнень общай интересна независима синь национальностьсон эзда. Тя—Союзонь Советъ. Но СССР-нь национальносттнень, общай интересда башка, улихть нинге синьценъ, особай, специфический интересна, конат связаннайхть синь национальной особенностьсон мархта. Можна ли пренебрегать нят специфический интересненьди. Нет, нельзя. Эрайви ли специальнай верховнай орган, конац ба отражал именно нят специфический интереснень? Безусловно эрайви. Не может улемс сомне-ния, што тяфтама органфтома аф возможна улель ба управлять тяфтама лама националь-най государствать мархта, ко-да СССР-сь. Тяфтама органкс ащи омбоце палатась, СССР-нь Национальностень Советъ“.

Миньценок улихть лама на-

родт, например, Карелхне, Ко-ми-Зырянне, Калмыкне, Якут-не, Абхазецне и лият, конат-нень численностьсна аф сатне-сы 300 тьожань ломанень лув-кст. Кда ба выборхне йотаф-невольтъ аныцек Союзонь Со-вету, то кой-конатне синь эз-дост оказались ба непредстав-леннайкс СССР-нь Верховнай Совету. Национальностень Со-вету выборхне максихть воз-можность сембе народтненьди, нлия самай малочисленнайх-неньди, иметь синьценъ пред-ставительсон СССР-нь влас-тень высшай органт эса.

Национальностень совету представленнайхть равнай пра-васа сембе республикатне, Ав-тономнай областтне и нацио-нальной округне, аф ваномок синь величинасон и числен-ностьсон лангс. Тяфта, напри-мер, оцю РСФСР-сь, кося лу-вондови 105 миллионтт жи-тель, и аф оцю Армянский АССР сь, конанъ населяют аф-ламода 1 миллионда лама ло-мань, кучсхть Национально-стень Совету депутатт фкя-лаца лувксса.

Союзонь Совету и Нацио-нальностень Совету выборхне кармайхть йотнема избиратель-най округова.

Союзонь Совету выборхнень йотафтомасон инкса улихть образованнайхть избирательнай округт, кажнай округт эса 300 тьожань житель. Союзонь Совету эрь избирательнай ок-ругсь кармай кучсемя фкя де-путат.

Национальностень Совету вы-борхнень йотафтомасон инк-са избирательнай округне ули-хть организовандафт лиякс. Эрь Союзнай республикась ули-явф 25 округова, эрь автоном-най республикась—11 округо-ва, эрь автономнай областсь —5 округова, а эрь националь-най округсь кармай составлять фкя избирательнай округ. Каж-дай избирательнай округсь На-циональностень Совету кармай кучемя фкя депутат.

Сяда оцю Союзнай Респу-бликарь—РСФСР-ть примерса ванцаськ, кода кармайхть йот-нема выборхне Национально-стень Совету.

РСФСР-сь, кода минь ни азоськ имеет 105 миллионтт житель, РСФСР-сь ули явф 25 избирательнай округова, лиякс марьгеме эрь избирательнай округсь фатяй 4.200 тьо-жяйт ломань. РСФСР-ть сят административнай областенза, конат насчитывают сяда кржа-эрянь лувкс, улихть пуроп-тфт фкя избирательнай округс-лия область мархта. Кепетьк-соньди, Восточно-Сибирский областьса 1.500 тьожань жи-

тель, следовательно, сон не мо-жет составлять фкя самосто-ятельнай избирательнай округ Национальностень Совету де-путатонъ кочкамать инкса и сяс ули объединенай выборх-нень пингста кодама либа лия-область мархта, кося тяфта жа-афсаты жителень лувкссь фкя депутатт кочкамат инкса.

Кажнай избирательсь, конац эрай нят областтнень эса, кармай голосовандама СССР-нь Союзонь Совету кочкаматнень пингста кафксть: вестъ сон макссы эсь голосонц Союзонь Совету кандидатт инкса (тер-риториальной избирательнай округт коряс) и омбоцеда, сон кармай макссеомонза эсь голосонц Национальност-нь Совету кандидатт инкса (РСФСР-ть, кода Союзнай рес-публиканъ эзда).

Автономнай республиканъ и областень каждой избирательсь кармай голосовандама СССР-нь Верховнай Совету выборхнень пингста колмоксть. Кепетьксонь-ди, Татарский АССР-са избира-тельсь кармай голосовандама вестъ Союзонь Совету (террито-риальной избирательнай округт коряс) и кафксть Националь-ностень Совету (РСФСР-ть эзда 25 депутатонъ кочкамста и Татарский АССР-ть эзда 11 депутатонъ кочкамста).

Союзонь Совету и Нацио-нальностень Совету выборхне кармайхть йотнема фкя пинг-ста, лиякс марьгеме, фкя шиня. Избирательнай бюллетеньтнень примамасон и голосонень лу-вомасон инкса ошнень и рай-оттнень территориясна, конат сувсхть избирательнай участ-катненьди, явондови избира-тельной участкава. Нят изби-рательнай участкатне Союзонь Совету и национальностень Совету кочкаматнень инкса улихть общайхть.

Тяфта избирательнай за-конъ обеспечендакшнесы под-линнай демократический вы-боронъ порядкатъ Верховнай Совету кафцкя палататненьди.

Киржаевсь — бездельник

Левжа велень „1-це Май“ кол-хозонъ клубса заведующайкс ра-ботай парторгс Киржаевсь, ко-нанцы ба эряволь тиес при-меркс эсь работанц, но тевса ли-сенъди лиякс.

Клубса тячимс атак урядатт-нальмятня, аш портретт, плакатт, лозунгт.

Од ломатьтнень йоткса культур-но массовой работа аф йотафневи. Тяда башка, тя атак урядак клуб-са, кой-мзярда тиеньдевихть ве-черхт, кося ломатьтнень нолнесы-ня ярмак лангс, а биледонъ ярмак-нень присваивает Киржаевсь эсте-енза.

Рузаевканъ р-н.

Велень советъ председателец повсь попть лапанц алу

Сире Маманянь первичнай ком-сомольский организацияса комсо-молецъ Е. Т. Торопкинь (сон жа веленьсоветонъ председатель) ти-евсь церковонъ штатнай посети-телькс.

Аф кунара бригадиртъ Сергеев-ялгать шачсь идец. Торопкинь-мольсь сонъ ширезонза и вихца-саяфтезе эсь прянц кумкс. Сер-геевсь ашезь откажав.

Торопкинь кильдезя колхозста-инь цебарь алашать и тусь цер-каву идень кстиндама.

Попсь содазе, што сон комсо-молец и йорась аф нолдамс сонъ церкаву. Торопкинь попть кядь-ста анась „прощения“.

ВЛКСМ-нь Рыбкинанъ райкомти-эрайви ваномс Торопкинтъ сембе-действиянза и таргамс сонъ сою-знай отвец. Комсомолец.

Рыбкинанъ р-н.

Вишкотьемс антирелигиознай пропагандатъ

Перхляй велень „Пятилетка“ колхозса колхозникнень йоткса антирелигиознай пропаганда аф-мольфтеви. Улихть колхозникт, конат верондайхть религияти. А улихть и тяфтама ломатьт, конат верондайхть, што ули „шкай“, а синьцъ, нят шкаенъ верондайхне ворхт.

Колхозникс Ф. В. Тинь-гаевсь и сонъ брадоц И. Тинь-гаевсь паяк верондкйхть, што ули рай и ад, а синьцъ аф кунара-паксяста саласть колхознай-росят. Колхозницась Мария-Сименкова ялгась няезень нят-ворхнень и азозень колхозонъ-правленияв. Правлениясь нят-ворхнень кундазень.

Августъ 23 шистонза юмасть-колхозста 50 кяскафт и боцкя-керосин. Сембе нят преступле-нияне лисенъдихть сяс, мес-колхознай имуществасъ ох-раняется кальдявста.

Ком.

Рузаевканъ р-н.

Комсомольский организациять работац каладсь

Вертелимс оцю веле. Тяся це-барьста улсь ладяф первичнай комсомольский организациять ра-ботац. Комсомолецне афсоюзнай-од ломатьтнень мархта пуромкш-нелхть изба-читальняв, кося йо-тафнелхть политзанятия, лекци-ят и кулхондкшнелхть радио. Сидеста эрьсекшнелхть постанов-кат.

Мекольденъ пингтъ сембе рабо-тась каладсь. Избач аш. Избачи-тальнясь эрь шиня пакстаф. Сте-нанъ газетат аф новлявихть. Кол-хозникнень йоткса паксянь брига-дава газетат аф морافнихть. Нят-бригадатненьди кивок аф яксекш-ни. Васендакига, кодак ушедсть-колхозникне паксяса работама те-ест яксекшнелъ фельдшерсь Ф. А. Александринъ, конац тьяни мезе-вок аф тиеньди, аныцек пьянствует, сонъ аш стама шиц, штоба афоль-валядондакшня ульця кучкаса-ирецта.

Н. Вельматов.

Кие тяфтамсь Ледьневсь?

Саранск ошнень консервной комбинатонь руководителхне кальдывста тюрихть вредительствань последствиять машфтомасонза. Тяся нингя улихть и тяфтама ломатьть, конат способствуют вредительствати, жуликти.

Автогоражть заведующаец Ледьневсь сязьс кафкса автомашинань ремонт, конат машинатне сембе сезонть ашельхть эксплуатацияса. Тяда башка, Ледьневсь жулик. Зарплатань максомста Ледьневсь общитываец шоферхненъ. Тяфта 30 копковайс общитал шоферть Моисеевть и 10 копковайс Сиротинать.

Ледьневсь люпшнесы критикать и самокритикать. Сон шовенист. Рабочайхненъ йоткса разжигает национальнй вражда.

Сон директорть Масловть мархта причинафтома валхнесыне рабочайхненъ.

На безобразиятненъ сюнеда консервной комбинатть лама пунктованза, кода Вырыпаеваса (Ромодановань р-н) и Лепьюса (Шайговань р-н) наксаткшнихть 20—30 тоннат марьхть, конат эсь пингстост аф усксевичть комбинату.

Трамплер.

Валдаевсь сявоньдсьине эсь защитазонза аф эрявикс преподавательхненъ

Зубово-Поляннй РОНО-нь инструкторсь Валдаевсь арси аф эрявикс преподавательхненъди защитникос.

Валдаевсь эсь защитазонза сявонень троцкистский гадинатненъ пособниксон Ширенгушенъ районста Будыгинский НСШ-нь директорть Кузнецовть и сонъ урвань Моторинать.

Кузнецовсь расхищандакшнезе школьнй имуществовать, сформатфнесь тонафнихненъ кядьста божественнй и лия пахабнй стихотвореният и вятсь развратнй семейнй эряф.

Нят проделкатненъ инкса, коса примосесь участия и Моторинась, инсь ульсь паньфт комсомолста, валхфт работаста и максфт судс.

Аф ваномок нят фактненъ ланкс, Валдаевсь теест максь рекомендацият, конатненъ мархта нят троцкистский агенттненъди пособникне поступадасть Торбеевский району работама школьнй работас.

Шарьхкотьф, што Кузнецовсь и Моторинась цебарьста маскировандасть Торбеевский району, синь кяшезь эсь вредительский шамасон, но минь надьятама, што тя тевти кярмодихть следственнй органтне, лихтьсазь лангти синь прошлай проделкасон и таргавазь ответс.

В. Паршин.

Уборочнй компаниясь йотафневи кальдывста

Сарга велень „Якстере знамя“ колхозть правлениянчленонза кодамоков мьяль аф шарфнихть уборочнй кампаниять успешнйста йотафтоманцты.

Синь пяк пьянствовандайхть. Колхозонь хозяйственниксь Алямкинсь систематически пьянствует.

Тя безответственнй отношенята сюнеда лугав иладьста апак лядьть 30 гектархт тише. Пяк кальдывста мольфтеви сьоронь урядамась, апак ладяк трудонь учетьс, колхознй имуществовать салсесазь.

Чалдаев.

Бертелименъ р-н.

Вачаши, безработица, нищета

Факт од ломатьтненъ эряфснон эзда Польшаса

Стака и радостьтема од ломатьтненъ эряфсна фашистский Польшаса. Горять, нуждать, ужасающай гнетть колга можна ламос и лама азонткшнемс, но сембеданга убедительнйста корхтайхть фактне, беспристрастнй свидетельхне-документне. Варшаваса лиссь сборник „Крестьянтненъ сьормасна“. Сатыхть нльня йомла отрывканятневок польский крестьянтненъ сьормаснон эзда, конат опубликованнайхть тя сборникса, штоба отчетливайста представить фашистский польшаса велень од ломатьтненъ положениясост сембе ужасненъ.

Од стирня, поставской крестьянонь стирь, конач анычек, што аделазе школать, яркайста рисовандакшнесы эсь велеснон бытонт:

„Сембе монь семейказе кирьдсь жертват и лишеният, штоба максомс тейнь возможность аделамс школать. Но кодама эряф учемань монь куду молема меле! Алязень хозяйствац ащесь плачевнй состоянияс. Почти сембе инвентарсь мишеньтьф. Кассть шумотне. Нуждаль и кризисть сюнеда велеса ломатьтне аф праздновандакшнесазь обычнй, традиционнй праздникненъ. Аф кулевихть морот. Аш шумнй свадьбат, кода ульсь кати мзярда. А кодама трудность васьфнесазь родительхненъ, конат кучсесазь эсь идьснон школав? Аш средстват приличнй одежанди, книганьди, тетраденди. Деружнй лоскодса, кода осал сильфт, молихть школав палес вачеда идьтне“...

Вачашись кошарясыне идьтненъ преступлениас. Эрш шиня касыхть од правонарушителень рядтне. Школатненъ вастс фашистский государствась „заботлива“ паньсгейст специальнй, исправительнй кудт. Вов кода няфневихть графне тя заведениятненъ эса Иосиф Лоость „Польшаса тюрьматне“ книгасонза, конач лиссь Варшава 1933 кизоня:

„... Пиксематненъ эзда идьтненъ телазост арсихть сенепт, шишкат и даже шуди ранат. Но нльня всякай ужальдемафтома обрацндакшнихть идьтненъ мархта, конатненъ мрдафнесазь воргоемда меле. Воргодить мзярьшкавок сонъ ялганза кирьдсазь пилькта икядьта а „воспитательсь“ пиксессы сонъ плетьса, конач понаф пролопс а олвань наканечник мархта, али плетьса, конач понаф тувонь кельста. Эрхтемань лувкссь мезьсонга аф ограничендакшневи, сон зависит анычек „воспитательсь“ настроенинц и трезвостень степененц эзда, и пачкотькшни фкаста лама десяткас, нльня сядоти молема“...

Тя—выдержка книгаста, конач нолдаф 1933 кизоня. Ся пингста положенияс полафтьс анычек кальдыв ширети. Август ковьт 12-це шистонза 1937 кизоня „Работник“ польский газетаса ульсь печатлафт тяфтама откровеннй признаният.

„Миллионшка польский идьт тя кизоть аерфтфт школать и наукать эзда... Вачеда и сязеньдф-нозондф йомла идьтне шинек-век шарондыхть ульцятненъ эзга, йотни автомобильхненъ и извозчикненъ йоткова али нюрьгендихть вень заведениятненъ эса. Тяся синь мишеньдихть газетат и паньчфт козятненди, салиднй баярхненди, штоба работамс хоть кафта трешнекшка кшиньди“...

Но тя кржа, што польский трудящань миллион идьт (ибо школавь кенкш фталу ляткшнихть, конечно, аф буржуень стирьхне и цьоратне) касыхть аф грамотнйста. Фашистский мракобесне мушендыхть семедонга изощреннй формат Польшань населениять лангс издавательстваньди. Июльть 21-це шистонза 1937 кизоня „Работник“ газетаса пачфнесь кулят:

„Политический кой-кона организациятненъ инициативаса ошнень и велень ученикненъ родительснон йоткса йотафневи пропаганда, конань цель—од учебнй кизоть ушедомстонзакигя сырхкафтомс анти-симитский кампания. Родительхненъ йорасазь заставить выступить требованинй мархта евреень тонафни идьтненди школаса скамяннь введениять колга, а кда еврейхненъ процентсна оцю, то и отдельнй классонь введениять колга.“

Фашизмась Польшать тиезе народненди тюрмакс. Печатьть аш виец штоба лихтемс лангти вешань истиннй положениять. Август ковьт 11-це шистонза 1937 кизоня „Работник“ газетаса ульсь печатлафт тяфтама заметка.

„Июнь ковьт 7-це шистонза сывомок 51 № кудть пирьфсонза Милай ульцяс Воршаваса кальдывста тиф будкаса ютиндай безработнй Григорий Заводскойть выселенй семьец, конач ащи 16 ломаньдта (сяка лувксса 10 идьт 6 ковста сывомок 13 кизонь возрастти молема). Выселеннйхне занимандайхть оубоце пирьфаужеть, конач ащи калдазть ваксса. Омбоце ширеса мусорнй яма и общественнй уборнй. Мьякпальденъ пизепненъ пингста тя семьясь кяшсь ливеньть эзда латалу. Содамок тянь колга, кудазорсь тердьсь полициять, конач насильна, резиновй палкаса панезень несчастнйхненъ марга идьснон мархта“.

Эряви ли тяда меле дивандакшнемс, што афициальнй „Йомла статистический ежегодникть“ даннаензон коряс 1937 кизоть пингстонза касыхть самоубийстватненъ лувкссна? Сборниксь хладнокровна пачфни кулят, што 1936 кизоня Польшаса 4.451 ломань шавозь эсь прыснон и, што, примерна, 50 процентсь самоубийстватненъ эзда—2.270 случайхт—сашендови од ломатьтненъ йоткса 29 кизонь возрастти молема. Даже фашистский печатть беспокоендазь ня цифратне. „Курьер варшавски“ газетаса августть 19-це шистонза 1937 кизоня явондась статья „Од ломатьтненъ йоткса депрессиясь“. Няфттыма отрывка тя статью эзда:

„...Самоубийсвань статистикась неизменно няфни самоубийствань значительнй процент од ломатьтненъ йоткса сембе странать эзга. Тя чрезвычайнй кальдыв симптом, конач указывает аф достаточнй устойчивостть лангс и, мезьсь пингя сяда кальдыв, од поколениять, конач шачсь уже независимай Польшаса, аф верондаманц лангс будучайти...“

Статьять авторонц рассужденинза „Недостаточнй устойчивостть колга“ и особенна Польшань од поколениять „будучайти аф верондаманц“ колга пяк грешивдайхть истинать каршес. В прочем, тя истивась лувондови вешань тя категорият, конань колга польский печатсь лувонцы аф корхнемс. Польский од рабочайхне, аф ваномок страшнейшй террорт и репрессиять лангс, пуромкшнихть марса тюрема фашизмать каршес, эсь праваснон инкса. Мезьса лиякс обьяснить, што фашисттненъ попыткасна пуроптомс эстеест юношеский од массовой организациять Польшаса кирьдихть крах? Мезьса обьяснить Социалистический рабочай од ломатьтненъ теснй сотрудничестваснон „Виця“ крестьянскй организациять мархта, коса кафксакемонь тьожяють ломань? Кода лиякс шарьхкодемс од ломанень солидарностень демонстрациять Каттовицяс, (Польшань угольнй бассейн) конач йотафтф кода симпатиянь знак испанский республикати футбольнй матчонь шиня, мзярда налхксть футболса Баскский и Полский командатне?

Аф лафчеми, а кемокстай польский од ломатьтненъ верасна будучайти, конат, кода и мирть сембе од ломаненза, храбра тюрихть фашизмать каршес тюремань единый фронтть пуроптоманц инкса. И кодамоков фашистский изверкненъ сембедонга жестокай террорсна аф юмафцы верать.

А. Петров.

Испанияса фронтненъ эзга

(ТАСС-ть сообщенинзон коряс)

Южнй фронтсь

Сентябрьть 21-це шистонза правительственнй войскатне мольфть наступления Пособланко секторса и шаштыхть западу Пеньяройя угольнй бассейнат эзда. Синь последовательнй йотафнесазь эряфс тя важнй промышленнй центрть окружениянц и кирьдсазь эсь артиллерияснон толонц ала Пеньяройяста Фуэнте дель Арков моли машина кить. Пеньяройясь блокировандаф север и восток

шире и тяни аш кодамоков сообщенинц мятежниконь базатненъ мархта.

Южнй фронтть види флангсонза правительственнй войскатне шаштьс колма километрас.

Восточнй (Арагонский) фронтсь

Теруэль секторса правительственнй войскатне занясть ниле высотат и Корраллес дель Рок местностть.

Ответ, редакторть инкса П. ГОРЬКАНОВ.

Упол. Главлита № Д—105. Тираж 1800. Заказ № 3195.

г. Саранск, тип. „Красный Октябрь“.